

*Qui egreditur de visceribus tuis,  
ipsum habebis heredem.*

Léctio libri Génesis

15, 1-6; 21, 1-3

In diébus illis:

<sup>1</sup> Factus est sermo Dómini ad Abram per visiónem dicens:  
«Noli timére, Abram!  
Ego protéctor tuus sum,  
et merces tua magna erit nimis».

<sup>2</sup> Dixítque Abram:  
«Dómine Deus, quid dabis mihi?  
Ego vadam absque líberis,  
et heres domus meæ erit Damascenus Eliézer».

<sup>3</sup> Addidítque Abram:  
«En mihi non dedísti semen,  
et ecce vernáculus meus heres meus erit».

<sup>4</sup> Sed ecce sermo Dómini factus est ad eum:  
«Non erit hic heres tuus,  
sed qui egrediétur de viscéribus tuis,  
ipsum habébis herédem».

<sup>5</sup> Eduxitque eum foras et ait illi:  
«Súspice cælum et númera stellas, si potes».  
Et dixit ei: «Sic erit semen tuum».

<sup>6</sup> Crédidit Dómino, et reputátum est ei ad iustítiam.

[...]

<sup>21, 1</sup> Visitávit autem Dóminus Saram, sicut promíserat,  
et implévit Saræ, quæ locútus est;  
<sup>2</sup> concepítque et péperit Abrahæ filium in senectúte eius  
témpore, quo prædíixerat ei Deus.  
<sup>3</sup> Vocavítque Abraham nomen filii sui,  
quem génuit ei Sara, Isaac.

Verbum Dómini.